

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0046195 21
Zenica, 06.05.2025. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka h), člana 241. stav 1. i člana 242. ZKP F BiH podižem

O P T U Ž N I C U

Protiv:

M. H., neosuđivan,

što je:

dana 01.08.2021. godine oko 02,00 sati, u Tešnju, upravljajući motornim vozilom, kombijem marke ... registarskih oznaka ..., krećući se regionalnim putem iz pravca Teslića u pravcu Doboja, te dolaskom u naseljeno mjesto Jelah do ulice ..., kod broja ..., vozio neoprezno i nedovoljno pažljivo jer brzinu kretanja vozila nije prilagodio osobinama i stanju puta, preglednosti i atmosferskim prilikama, tako da nije pravovremeno zaustavio svoje vozilo pred pješakom, pa postupajući suprotno odredbama člana 43. stav 1. Zakona o osnovama bezbjednosti saobraćaja na putevima u BiH, nije obratio pažnju na pješaka T. H., koji se kretao ulicom ..., iz pravca Doboja u pravcu Teslića, iako je bio svjestan da na ovakav način može ugroziti javni promet te dovesti u opasnost živote ljudi i imovinu većeg obima, ali je olako držao da do toga neće doći ili da će to moći spriječiti, pa vozeći tako desnim bočnim retrovizorom udario pješaka T. H. usljed čega je isti zadobio teške tjelesne ozljede u vidu otoka i krvnog podliva mekih tkiva oko orbite lijevog oka sa krvarenjem ispod konjunktiva lijevog oka, oguljotine kože na poleđini nosa sa krvarenjem iz nosa, serijskog preloma od V do VII rebra desno, krvarenje ispod mekih moždanih ovojnica, negnječno-razderne rane donje usne usta i sluznice zubnog grebena gornje vilice lijevo i oguljotine kože u predjelu karlice lijevo,

dakle, iz nehata kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost život ljudi, usljed čega je prouzrokovana teška tjelesna povreda jedne osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.